

*Cap. 33. De regno Christi num-  
quam finituro.*

## IEREMIAS.

*Cap. 34. Minatur civitatem tra-  
dendam ac regem quoque.*

sum ad domum Israël & ad domum Iuda.  
15. In diebus illis, & in tempore illo  
germinare faciam David germen iustitiae:  
& faciet iudicium & iustitiam in terra.

16. In diebus illis salvabitur Iuda, & Ie-  
rusalem habitabit confidenter: & hoc est  
nomen, quod vocabunt eum, Dominus  
iustus noster.

17. Quia hæc dicit Dominus: Non in-  
teribit de David vir, qui sedeat super  
thronum domus Israël.

18. Et de Sacerdotibus & de Levitis  
non interibit vir à facie mea, qui offerat  
holocausta, & incendat sacrificium,  
& cædat viætimas omnibus diebus.

19. Et factum est verbum Domini ad  
Ieremiam, dicens:

20. Hæc dicit Dominus: Si irritum po-  
test fieri pactum meum cum die, & pa-  
ctum meum cum nocte, ut non sit dies  
& nox in tempore suo:

21. Et pactum meum irritum esse po-  
terit cum David servo meo, ut non sit ex  
eo filius qui regnet in throno eius, & Le-  
vitæ & Sacerdotes ministri mei.

22. Sicuti enumerari non possunt stellæ  
cæli, & metiri arena maris: sic multipli-  
cabo semen David servi mei, & Levitas  
ministros meos.

23. Et factum est verbum Domini ad  
Ieremiam, dicens:

24. Numquid non vidisti quid populus  
hic locutus sit, dicens: Due cognationes,  
quas elegerat Dominus, abiectæ sunt: &  
populum meum despicerunt, cò quòd  
non sit ultra gens coram eis?

25. Hæc dicit Dominus: Si pactum  
meum inter diem & noctem, & leges cælo  
& terræ non posui:

26. équidem & semen Jacob & David  
servi mei projiciam, ut non assumam de  
seminæ eius principes feminis Abraham,  
Isaac, & Jacob: reducam enim conver-  
sionem eorum, & miserebor eis.

## C A P U T   X X X I V .

*Prædictus Dominus se traditurum regem Se-  
deciam in manus regis Babylonis, una  
cum Ierusalem, quam igni succendet,  
eo quod pactum quod coram Domino pe-  
pigerant de dimittendis his liberis, quos  
ex Hebreis sibi in servitutem subiecserant,  
non servaverint.*

Anno M.  
3414. 1. **V**erbum, quod factum est ad Ie-  
remiam à Domino, quando Na-  
buchodonosor rex Babylonis, & omnis

exercitus eius, universaque regna terræ,  
quæ erant sub potestate manus eius, &  
omnes populi bellabant contra Ierusalem,  
& contra omnes urbes eius, dicens:

2. Hæc dicit Dominus Deus Israël:  
Vade, & loquere ad Sedeciam regem Iuda:  
& dices ad eum: Hæc dicit Dominus:  
Ecce ego tradam civitatem hanc in manus  
regis Babylonis, & succendet eam igni.

3. Et tu non effugies de manu eius: sed  
comprehensione capieris, & in manu eius  
tradēris: & oculi tui oculos regis Baby-  
lonis videbunt, & os eius cum ore tuo  
loquetur, & Babylonem introibis.

4. Attamen audi verbum Domini Sede-  
cia rex Iuda: Hæc dicit Dominus ad te:  
Non morieris in gladio,

5. sed in pace morieris, & secundum  
combustiones patrum tuorum regum priorum  
qui fuerunt ante te, sic comburént  
te: & vñ Domine, plangent te: quia ver-  
bum ego locutus sum, dicit Dominus.

6. Et locutus est Ieremias propheta ad  
Sedeciam regem Iuda universa verba hæc  
in Ierusalem.

7. Et exercitus regis Babylonis pugna-  
bat contra Ierusalem, & contra omnes ci-  
vitates Iuda, quæ reliquæ erant contra  
Lachis, & contra Azecha: hæc enim su-  
pererant de civitatibus Iuda, urbes munitæ.

8. Verbum, quod factum est ad Ie-  
remiam à Domino, postquam percussit rex  
Sedecias fœdus cum omni populo in Ier-  
usalem, prædicans:

9. Ut dimitteret \* unusquisque servum \* Ob  
sum, & unusquisque ancillam suam, He-  
breum & Hebream liberos: & nequa-  
quam dominarentur eis, id est in Iudeo  
& fratre suo.

10. Audierunt ergo omnes principes &  
universus populus, qui inierant pactum ut  
dimitteret unusquisque servum suum, &  
unusquisque ancillam suam liberos, & ult-  
ra non dominarentur eis: audierunt igi-  
tur, & dimiserunt.

11. Et conversi sunt deinceps \*: & re-  
traxerunt servos & ancillas suas, quos di-  
miserant liberos, & subiugaverunt in fa-  
mulus & famulas.

12. Et factum est verbum Domini ad eis  
Ieremiam à Domino, dicens:

13. Hæc dicit Dominus Deus Israël:  
Ego percussi fœdus cum patribus vestris  
in die, qua eduxi eos de Terra Ægypti  
de domo servitutis, dicens:

14. \* Cùm completi fuerint septem  
anni, dimittat unusquisque fratrem suum

\* Post  
quam se  
obsidione  
liberos vi-  
derunt, ut  
47. 4.

\*Exod. 21.  
2.  
Deut. 15.  
12.

He-

*Cap. 34. Minatur civitatem tra-  
dendam ac regem quoque.*

## IEREMIAS.

*Cap. 35. Rechabitarum obediens.  
Iudeis rebellibus pñam minatur.*

Hebræum, qui venditus est ei, & serviet  
tibi sex annis: & dimittes eum à te libe-  
rum: & non audierunt patres vestri me,  
nec inclinaverunt aurem suam.

15. Et conversi estis vos hodie, & fe-  
cistis quod rectum est in oculis meis, ut  
prædicaretis libertatem unusquisque ad  
amicum suum: & in istis pactum in con-  
spectu meo in domo, in qua invocatum  
est nomen meum super eam.

16. Et reversi estis, & commaculastis  
nomen meum: & reduxistis unusquisque  
servum suum, & unusquisque ancillam  
suam, quos dimiseratis ut essent liberi &  
suae potestatis: & subiugastis eos ut sint  
vobis servi & ancillæ.

17. Propterea hæc dicit Dominus: Vos  
non auditis me, ut prædicaretis liberta-  
tem unusquisque fratri suo, & unusquisque  
amico suo: ecce ego prædicto vobis liber-  
tatem, ait Dominus ad gladium, ad pe-  
stem, & ad famam: & dabo vos in com-  
motionem cunctis regnis terræ.

18. Et dabo viros, qui prævaricantur fœ-  
dus meum, & non observaverunt verba fœ-  
deris, quibus assensi sunt in conspectu meo,  
vitulum quem conciderunt in duas partes,  
\*& \* transferunt inter divisiones eius:

19. Principes Iuda & principes Ierusa-  
lem, eunuchi & sacerdotes, & omnis po-  
pulus terræ, qui transferunt inter divisio-  
nes vituli:

20. Et dabo eos in manus inimicorum  
suorum, & in manus quærentium animam  
eorum: & erit morticinum eorum in es-  
cam volatilibus cæli, & bestiis terræ.

21. Et Sedeciam regem Iuda, & prin-  
cipes eius dabo in manus inimicorum su-  
orum, & in manus quærentium animas eo-  
rum, & in manus exercituum regis Baby-  
lonis, qui recesserunt à vobis.

22. Ecce ego præcipio, dicit Dominus,  
& reducam eos in civitatem hanc, & præ-  
liabuntur adversus eam, & capient eam, &  
incident igni: & civitates Iuda dabo in  
solitudinem, eò quòd non sit habitator.

## C A P U T   X X X V .

*Exemplum obediens Rechabitarum, præ-  
cepta patris sui licet dura servantium,  
expostulat Dominus de pertinaci Iudeo-  
rum inobedientia adversus ipsius præ-  
cepta: quapropter his prænuntiat Domi-  
nus mala, illis autem bona.*

Anno M.  
3398. 1. **V**erbum, quod factum est ad Ie-  
remiam à Domino in diebus  
Ant. Chr. 606. Ioakim filij Iosæ regis Iuda, dicens:

\* De quo  
Reg. 10.  
15.

.

2. Vade ad domum Rechabitarum: &  
loquere eis, & introduce eos in domum  
Domini in unam exedram thesaurorum,  
& dabis eis bibere vinum.

3. Et assumpsi Iezioniam filium Ieremias  
filij Habesanae, & fratres eius, & omnes  
filios eius, & universam domum Rechabi-  
tarum:

4. Et introduxi eos in domum Domini  
ad gazophylacium filiorum Hanan, filij  
Iegedelia hominis Dei, quod erat iuxta  
gazophylacium principum, super thesa-  
rum Maasiæ filij Sellum, qui erat custos  
vestibili.

5. Et posui coram filiis domus Rechab  
scyphos plenos vino, & calices:

6. Qui responderunt: Non bibemus vi-  
num: quia Ionadab \* filius Rechab, pa-  
ter noster, præcepit nobis, dicens: Non  
bibetis vinum vos, & filii vestri usque in  
sempiternum:

7. Et domum non ædificabitis, & se-  
mentem non feretis, & vineas non plan-  
tabitis, nec habebitis: sed in tabernaculis  
habitabitis cunctis diebus vestris, ut vi-  
vatis diebus multis super faciem terræ, in  
qua vos peregrinamini.

8. Obedivimus ergo voci Ionadab filij  
Rechab, patris nostri, in omnibus, quæ  
præcepit nobis, ita ut non biberemus vi-  
num cunctis diebus nostris nos, & mulie-  
res nostræ, filii, & filia nostræ:

9. & non ædificaremus domos ad habi-  
tandum: & vineam, & agrum, & semen-  
tem non habuimus:

10. sed habitavimus in tabernaculis, &  
obedientes fuimus iuxta omnia, quæ præ-  
cepit nobis Ionadab pater noster.

11. Cùm autem ascendisset Nabuchodo-  
nosor rex Babylonis ad terram nostram,  
diximus: Venite, & ingrediamur Ierusa-  
lem à facie exercitus Chaldæorum, & à  
facie exercitus Syriæ: & mansimus in Ie-  
rusalem.

12. Et factum est verbum Domini ad  
Ieremiam, dicens:

13. Hæc dicit Dominus exercitum  
Deus Israël: Vade, & dic viris Iuda, &  
habitatoribus Ierusalem: Numquid non  
recipietis disciplinam ut obediatis verbis  
meis, dicit Dominus?

14. Prævaluerunt sermones Ionadab filij  
Rechab, quos præcepit filii suis ut non  
biberent vinum: & non biberunt usque  
ad diem hanc, quia obedierunt præcepto  
patris sui: ego autem locutus sum ad vos,  
de

